

Uunga siunnersuut: Suliffeqarnermi innersuussisarneq il.il. pillugit Inatsisartut inatsisaat nr. xx af xx 2014

(Inuussutissarsiornermut Aatsitassanullu Naalakkersuisoq)

Akissuteqaat

(Inuussutissarsiornermut Aatsitassanullu Naalakkersuisoq)

Aappassaanneerinninneq

Naalakkersuisut sinnerlugit matumuuna suliffeqarnermi innersuussisarneq il.il. pillugit Inatsisartut inatsisissaattut siunnersuutip aappassaanneerneqannginnerani, siunnersuummut tapersersuineq nuannaarutigigakku oqaatigissavara.

Taamatuttaaq Inuussutissarsiornermut Ataatsimiititaliaq, ataatsimiititaliap isumaqatigiittup siunnersuutip akuerineqarnissaa inassuteqaatigalugu isumaliutissiissuteqarneranut qutsavigaara.

Siunnersuutip akuerineqarnerani nuttarnersitsinissamut ikiorsiissutinik tunniussisarneq nukittorsarneqassaaq, taamaalilluni Kalaallit Nunaata ataatsimoortillugu suliffeqarnermi suliassaarfittut, ilaatigut Kalaallit Nunaanni suliffissat nunaqavissunut sumi najugaqarnerat apeqqutaatinnagu neqeroorutigineqartarnissaannik qulakkeereqataasutut, aammalu suliffeqarfiit nunaqavissunit pigineqartut pikkorissunik nunaqavissunik sulisoqarsinnaanissaannik qulakkeereqataasutut, isigineqarsinnaalissalluni.

Taamatut oqaaseqarlunga siunnersuut Inatsisartuni suliassanngortippara.